

# GLATT VORBEI

M: Thelonious Monk

T: Wolfgang Staribacher / Birgit Brandstetter

IM PACKL

Mein zweiter Anlauf mit diesem Song. Der erste wurde letztlich in das Goisern-kompatible Kiah-auf-da-Oim-Idiom gezwängt. Indes: die coole Urbanität des Komponisten Thelonious Monk (der ja oft ein Windradl auf seinem Hut stecken hatte!) verlangt etwas BSE-Ärmeres. (W. St.)

I bin ganz allan, waßt, was i maan'  
Bist du fett, des is der Blues  
Mei Oide is fuat, mir bleibt nur der Spuat  
Heast i gib ma glei den Schuss  
Owa de Kugel ...  
fliagert an mein' Kopf vorbei  
fliagert glatt vorbei

Mei Mannschaft greift an, i bin zwölfter Mann  
Ausgleich Burschen!  
Kummt's! Zaahts an!  
Der Linksaussen versucht's, geht unhaltbar durch  
In der Mittn wart' der Center auf die Frucht  
Owa die Kugel ...  
fliagert an sein' Kopf vorbei  
fliagert glatt vorbei

Mei Schatzerl des war, und sie wird's immer sein  
Die schärfste Katz auf weiter Flur  
Die Äugerln wie Stern, hab ihr Gsichterl so gern  
Und das Beste, ja, i geb's gern zua  
Zwaa scheene Kugerln ...  
owa des is jetzt für mi vorbei  
des is halt vorbei

Die Wirtschaft stagniert, des Göd deflationiert  
Kriege, Seuchen, Umweltdreck  
Zum Schluss kommt der Komet  
Dann is ois z'spät  
An Tuscher machts, und wir san olle weg!  
Owa die Kugel ...  
fliagert an uns glatt vorbei  
fliagert glatt vorbei